



Inatsisartunut ilaasortaq Knud Fleischer, Kattusseqatigiit Partiat
/maani

Aalisakkanut tukertitsiveqalersinnaanermut periarfissanik misissuinissamik Naalakkersuisut eqqarsaateqarnersut § 37 naapertorlugu apeqqummut 021-2012-mut akissuteqarneq

Inatsisartut Suleriaasianni § 37 naapertorlugu apeqqutigivat nunatsinni aalisakkanut tukertitsiveqalersinnaanermut periarfissanik misissuisitsinissamik Naalakkersuisut eqqarsaateqarnersut. Apeqqut uannit akineqartussanngorlugu innersuussutigineqarpoq.

Naalakkersuisunut apeqqut:

Naalakkersuisut nunatsinni aalisakkanut tukertitsiveqalersinnaanermut periarfissanik misissuisitsinissamik eqqarsaateqarpat?

Akissut:

Naalakkersuisut akvakultur-imik, aalisakkanik tukertitsineq tassani ilaammat, inuussutisarsiuuteqalersinnaanermik ineriartortitsinissamik periarfissaqarluartoq nalilerpaat.

Namminersorlutik Oqartussat akvakultur pillugu inatsisiliaat killeqarput, nunalerinnermut inatsimmi taaneqarluni. Nunalerineq pillugu Inatsisartut inatsisaat nr. 5, 2. maj 1996-imeersumi § 1, imm. 2 ima allasimasoqarpoq: "Inatsimmi matumani nunalerinnerut paasineqassaaq naatitanik naatitsinermut, neriniartitsivinnut imaluunniit uummasuuteqarnermut **imaani Imermilu uumassusilinnik allisaaviuteqarnermut** nunaminertanik inuussutisarsiuutigalugu atuneq, taamatuttaaq siunertanut taaneqartunut sanaartukkat illuutillu nunami aalaakkaasut suugaluartulluunniit inatsimmi pineqarput."

Taamanikkut inatsit suliarineqarmat qulaani pineqartumut oqaaseqaatit imaapput: "Siunnersuut assersuutigalugu assigiinngitsunik uumassuuteqarsinnaanermik immikkut taagorlugit malittarisassiinermik imaqanngilaq, naammattumik allattuinnissaq ajornaku-soormat. Allattugaq taamaattoq maannakkut inuussutisarsiuutigineqartut savaateqar-neq, tuttuuteqarneq kukkukuuteqarneq aamma naatitanik naatitsineq **aalisakkanillu tukertitsineq** pillugit imaqarsimassagaluarpoq."

Apeqqutinnut tunngatillugu Naalakkersuisut isumaqarput immikkut ittumik akvakultur pillugu inatsisiliortoqaqqaartariaqartoq, akvakultur niuernerpalaartumik atorluarneqalis-sagaluarpat piunasaqaatigineqartussat suussanersut nassuiarneqarlutik. Naalacker-suisoqarfiga taamatut inatsisiliornissamut piareersaasiuleruttorpoq. Naalakkersuisut isumaqarput nunatsinni aalisakkanik tukertitsinnaanermut misissuisoqalersinnagu inatsisiliortoqaqqaartariaqartoq, ilaatigut inuussutissat isumannaatsuunissaat qulakke-umallugu. Akvakultur aalisakkanik tukertitsinerinnaangilaq aammali qeqqussanik uillu-nillu tunisassiornerulluni, nassuiarneqarsinnaallunilu imermi tarajoqanngitsumi taraju-limmiluunniit naasunik uumasunillu kinguaassiorfitsineq.

Taamaammat Naalakkersuisut UKA2012-imut akvakultur pillugu inatsisissamik saq-qummiussissamaarput, akvakultur pillugu qanoq lilluni atorluasinnaanermik si-naakkusisussamik (aalisakkanik tukertitsinerusinnaavoq qeqqussanik uillunilluunniit

01. februar 2012
Sagsnr. 2012-060730
Dok. Nr. 810862

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

tunisassiornerusinnaavoq), taamaalilluni akvakultur-imik niuernerpalaartumik atorluaa-
neq inuiaqatigiinnut iluaqutaalluarsinnaaqqullugu.

Inussiarnersumik inuulluaqqusillunga
Med venlig hilsen



Ane Hansen